



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XXXI. Der Markgraf Woldemar gründet eine Capelle im Schlosse Spandow und dotirt dieselbe mit Hebungen aus Biesenthal. am 12. April 1317.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

XXX. Markgraf Woldemar schenkt dem Kloster Spandow zum Seelenheil der Markgrafen Hermann und Johann zehn Hufen Landes in Willmersdorf und eine Hebung aus dem Städtchen Beyerisdorf, am 12. April 1317.

In nomine domini amen. Licet actus humani multa et exacta diligentia peragantur, per obliuionem tamen de libro tolluntur memorie, si non scripture sagacitas ipsos in esse perpetuum recondiat et conseruet. Inde ergo est. Quod Nos Woldemarus, dei gratia Brandenburgensis et Lufacie marchio, tenore presentium ad vniuersorum tam presentium quam futurorum hominum noticiam cupimus publice peruenire, Quod in salutare remedium animarum, videlicet Illustrium dominorum Hermanni et Johannis Marchionum de brandenburg, quondam nostrorum patruorum clare recordationis et nostre, dedimus donatione liberali et sollempni deuotis in domino personis Priorisse et conuentui sanctimonialium in claustro Spandowe domino famulantium decem mansos cum omnibus suis pertinentiis sitos in villa Willemstorppe cum omni iure, exemptos ab omni precaria et seruicio personali et reali et ab onere quocunque cum omnibus agris cultis seu colendis, cum lignis, pascuis, pratis et aliis quibuscunque ad ipsos mansos spectantibus, licet etiam foret de ipsis facienda mentio specialis, iusto proprietatis titulo perpetuis temporibus possidendos. Dedimus insuper et donamus eidem simili proprietatis titulo vnum talentum denariorum Brandenburgensium in opido Beyerstorppe annis singulis sine prohibitione aliqua percipiendum. Renunciantes sollempniter et expresse predictis decem mansis et talento ac omni Juri quoad proprietatem et possessionem, si quod etiam nobis uel nostris successoribus posset futuris competere temporibus, litteras per presentes, Nolentes hec de cetero tamquam deo semel dicata in vsus retrahi temporales. Et ne de hac nostra liberali largitione aliquod futuris temporibus dubium exurgat, hanc litteram inde conscribi fecimus, sigilli nostri robore perpetuo consignatam. Testes vero sunt: Illustris domina Anna ducissa Wratislauenensis nostra mater dilecta, Sloteko nostre curie Dapifer, fritso de aluenleue, Cristianus de gherardstorppe, petso de Loffowe, Johannes de Crochere, nostri milites, Euerardus Stolpensis, Segerus Stendalgenensis et Thidemannus Grandzogenensis prepositi, Johannes plebanus de Gorlitia, Hermannus de Luchowe, nostri capellani, cum ceteris pluribus fide dignis. Datum in nostra prefencia Euerfwalde, Anno domini Millesimo Trecentesimo septimo decimo, feria Tercia post Dominicam Quasi modo geniti.

Nach dem Original des Geh. Staats-Archives.

XXXI. Der Markgraf Woldemar gründet eine Capelle im Schlosse Spandow und dotirt dieselbe mit Hebungen aus Biesenthal, am 12. April 1317.

In nomine domini. Amen. Oblivio mater negligentie, que destruit et dirimit memoriam, que milliarium virtutum est domina, profert et reformat. Ad memoriam igitur subnotate rei sempiternam. Nos Woldemarus, dei gratia Brandeb. et Lufatie marchio, presentium significatione litterarum uniuersis dei fidelibus volumus esse notum, quod ad honorem dei omnipotentis et ipsius matris sanctissime et ad specialem collaudationem beatorum Dyonisii sanctorumque ejusdem

confessorum dotauimus et per presentes litteras dotamus altare in honorem beatorum Dyonisii sanctorumque ejusdem premiorum in capella castri Spandow situm, cum quinque choris filiginis in pachtu manorum et tribus talentis Brandenb. denariorum in opido Bysdal jacentibus in pachtu et in censu arearum, ut premititur, tollendis perpetuo tempore et proprietate sempiterna, nichilominus devota mente pretactos choros et arearum censum omni excluso seruitio et aliis exactionibus omnibus apponentes ad predictum altare permanuros per infinita mundi tempora. Omnium jurium, que nobis in premillis pachtu aut censu competunt aut nobis et nostris successoribus competere possent in futuro abrenunciationem facimus per presentes latam et expressam. Presentis altaris dotatio et reddituum donatio ut per omnia tempora maneat inconuulsa, et ut nostri et progenitorum nostrorum missarum orationibus memoria benedicatur eterna, presentem litteram nostro pendenti sigillo dedimus communitam presentibus testibus Frederico, Henrico de Alvensleue, Henrico de Schenkendorpp et Johanne de Crocheren, militibus nostris, cum domino Everhardo, preposito Stolpenfi, et aliis pluribus fide dignis. Actum et datum Everswolde anno domini M^o. CCC^o. decimo septimo, feria tertia post dominicam Quasimodogeniti.

Nach dem Originale im Dom-Archive zu Brandenburg, aus Hefsters Abschrift.

XXXII. Markgraf Woldemar sichert den Bürgern der Stadt Spandow den ausschließlichen Gerichtsstand vor dem Stadtschulzen zu, am 20. Juni 1317.

Nos Woldemarus, Dei gratia Brandenburgensis et Lusatiae Marchio, in hiis scriptis recognoscimus et ad vniuersorum Christi fidelium publicam noticiam volumus pervenire, quod fideles cives nostros Civitatis Spandowe praesentes et posteros in omnibus ipsorum juribus et proprietatibus, quibus hactenus gavili sunt, illaefos perpetuo volumus conservare. Non debent etiam praedictae civitatis cives praesentes et futuri extra civitatem ad aliquod trahi provinciale iudicium, sed si aliqui aut aliquis aliquem praedictorum civium convenire decreverint, volumus, vt id coram saepe dictae civitatis Sculteto faciat, id quod juris ordo declaraverit recepturus. Et in praemissorum omnium evidentiam praesentem litteram ipsis dari iussimus et nostri sigilli munimine communiri. Datum in praedicta civitate, Anno Domini Millefimo Tricentesimo Septimo decimo, feria secunda ante festum Beati Johannis Baptistae proxima, praesentibus testibus nostris fidelibus Gunthéro Comite nobili de Keverenborg, Bodone de Ilborg, Henrico Schenkone de Schenkendorpp, Slotekino et Zabello, Fratibus, de Ghorpa, Henrico de werben, militibus, Thidemanno et Nicolao in Grantzdoy et Snakenborg praepositis, nostris Cappellanis dilectis et alijs quam pluribus fidei testimonio decoratis etc. 1317.

Nach dem alten Spandower Copialbuche No. 4. Ein Abdruck dieser Urkunde in Dilschmann's Geschichte hat für Henrico de werben „Henningo de werben“ und für Grantzdoy „Gramzdorp“. Thidemann hieß jedoch der damalige Pfarrer zu Gransee (Grantzoyensis), der ohne Zweifel gemeint ist.